

Ամէնք ժողովան ի միասին,
 Անկան ի յօտք նըվիրակին.
 Ասեն. « Գրթա՛ պարոնտիրին՝
 Վասն Աստուծոյ և մեր խաթրին.
 Ձի է մանուկ տիս հասակին,
 Նստեալ էմրով փատիշահին.
 Ձընի թէ տայ տեղ սատանին,
 Հակառակի հետ մեր ազգին.
 Ունիմք մեք շատ չար թշնամի,
 Չերթայ 'նդ նոսա միաբանի » :
 Երբ նըվիրակըն գայն լըսեց
 Սակաւ մի իւր սիրտըն վախեց.
 Յօժարեցաւ կոչել ըզնա,
 Սիրով սրտիւ հաշտիլ ընդ նա :
 Իբրեւ լուաւ ազգըս Հայոց
 Թէ նըվիրակն է հաշտելոց,
 Որ տեղ որ կայր հանած վարած՝
 Շուտ մէկմէկի արին իմաց.
 Եկեալ ասեն նըվիրակին.
 Թէ, « Այդ ի՞նչ բան քո արածնին.
 Հաշտի՛լ կամիս ընդ մեր թշնամին՝
 Ընդ բազմամեղ չարագործին.
 Եւ թէ հաշտիս դու ընդ նըմին՝
 Մենք կ'ուրանամք զէջմիածին.
 Ձքեզ կու ձգեմք վրայ երեսի,
 Կ'առնեմք նըման Նիկօլայի :
 Մեք ժողովեցաք բազում դեկան
 Յուով դուռուչ և շատ դրամ,
 Պիտոր բերեմք ըզնա յատեան,
 Առնումք ըղկարզն, ձըգեմք կո-
 [խան » :
 Եւ այլ բազում չար խօսեցան,
 Իբր ըզՀրեայո՛, թէ Ի խաչ հան.
 Ապա թէ ոչ՝ չես բարեկամ
 Ազգիս Հայոց՝ որ ի Լեհ կան :
 Իսկ նըվիրակն երկչոտ հոգին՝
 Հաւանեցաւ խօսից նոցին .

Հրաման արար տունս ամենին,
 Թէ մի ոք ընդ նա խօսեցցին :
 Ամենեքեան ազգ և աղին
 Լըւան խօսից նըվիրակին .
 Բանադրանացն ալ վախեցին,
 Բնաւ այլ մօտըն չըզնացին :
 Լըսեց՝ թէ շատ են դատախազք,
 Ունին շատ գանձ և դասասածք⁽¹⁾.
 Վասն այն եղև տարակուսածած,
 Ձի ազգն յիւրմէն եղան դարձած .
 Այլ և տեսաւ որ չիմաց մին,
 Ի յօտարաց և յիւր տոհմին .
 Հառչեց ի լաց ողորմագին,
 Եւ վայ կարդաց իւրոյ անձին .
 Սոաց. Ամբոխն է թշնամի
 Եւ նըվիրակն կողմն նոցին.
 Ազգականացս եմ ատելի,
 Քահանայք տան վըճիռ ինձի :
 Ունէր փեսայ մի նա բարի,
 Սահակն որդի Յակօբչայի,
 Խիստ երկիւղած եւ անուանի
 Շինոզ վանացըն Սուրբ Խաչի .
 Նա խըղճացաւ պարոնտիրին,
 Խոստացաւ դրամ՝ նըվիրակին,
 Հինգ հարիւր դուռուչ էջմիածնին .
 Խաչ և սկիհ սուրբ սեղանին :
 Տէր Խաչատուրըն չիմըսեց,
 Աղաչանացըն չի լըսեց .
 ԸզՍէֆէրն ալ ի դատ քաշեց,
 Չայլ բարեխօսըն նըզովեց :
 Յետոյ սթարոստան քաղաքին
 Եւ մեծ տիկինըն Պըլլէցքին,
 Ղրկեցին խնդիրք նվիրակին,
 Թէ, թող զյանցանս իբր ճահիլին :
 Նա չիլըսեց ամենեւին,
 Չըկատարեց զխնդիր նոցին .
 Ինատ արաւ ի յիւր մըտին .
 Այլ և ոմանք նըմա հէլ⁽²⁾ տային :

1. Թուի՝ Գասասաց, իբր avocat : — 2. Թր. Չար խրատ, նենգութիւն :